



時燮平編著



又名

(南泉導遊)

目次

南泉形勢圖

作者

南泉小識

張恨水穆濟波傅餘生

序

超然哲明龔伯皋

自序

作者

再序

作者

第一章

總說——沿革——南泉建設委員會——市區概況

第二章

地勢

第三章

社會概況——人口——出產——工商——交通——設備——醫藥——文化——

機關

第四章

名勝——南塘溫泳——虎嘯急流——弓橋泛月——灑瀆歸舟——峭壁飛泉

！五湖占雨！三峽奔雷！仙女幽巖！花溪垂釣！小塘水滑！石  
洞探奇！建文遺蹟！白鶴林！打鼓坪！同心堤！獸涎泉！潮音  
洞！龍洞泉！妙高崖！節婦津！向氏墓！詩碑亭！頤壽亭！文  
欽墓！遠蓉墓

第五章 食宿！食！茶！宿


第六章 游覽日程

附 錄

南泉風貌（照相或題字）

遊覽日記

# 南泉形勢圖



時登平繪製

# 南泉小識

張恨水：

予下江人也，客滄數載矣。茅廬半椽，借榻於建文峯下，吾生有涯，而羈遲客此殆亦不下第二故鄉。願備書苦冗，而性又疏放，甚少結交，南泉掌故，所知者實甚微渺。時子變平，近爲南泉導游一書，行將付梓，囑予題序，轉苦無以應命。而君爲予同鄉，予又不應謝以未能，無已僅就小識者述其二三，藉爲該編補白云爾。

南泉之可留戀者有三，花溪以清麗勝，虎嘯以深幽勝，建文峯以曠達勝，而溫池入浴不與焉。

花溪水長可五華里，以小三峽至高崖一段爲最佳。兩岸藤竹蔭濃，更雜削壁。若河流清平之日，一舟緩渡，水波不興，濃綠映眼，可作臥遊。惜木舟簡陋煤炭者往焉，油醋者往焉，立足旣感艱窘，又不蔽風雨驕陽，蓋無復清波畫舫之雅焉。

年來政校鑿花溪之南岸爲路，石板平鋪，徜徉便步，左山右水，意趣絕佳。清風明月之夜，與知己二三人，策杖小遊，且步且談，輒亡路之遠近，偶然小立，身傍水竹，蟲聲四起

，月小天高，人影在地，恍然世外。

虎嘯兩山高峯，松林滴翠，其下巖石清渠，急流狂吼，清幽之中，間以雄壯。隔岸觀山腰小徑，行人於松石間，穿行上下，若蜀道棧行闢之縮焉，甚饒畫意。

林孔官邸，位虎嘯南岸勝處，下於深澗急流上，架以平橋，倚欄小立，置身松濤溪浪間，人若與奔雷怒龍爲伍。循此東行，峯口一曲，豁然開朗，然得巨坪，其間人家櫛比，鷄犬相聞，巴蜀地形之不可捉摸如此。

建文峯以朱明天下大法師曾駐錫於此得名。峯在南泉市後，一徑高攀，秦蕪未闢，遊者蓋鮮。其主峯高出附近諸山，突立半空。松林緊密，深草沒膝，遊者須攀藤撫葛，拾級上行。登其顛有小坪一大方，大不逾畝。原有一庵，久廢，而石壇石級，形跡宛然。登壇北望，則羣山萬壑，均在脚下，雲霧蒼茫間，長江一線，其白如帶，令人有登東山而小魯之意。

廢廟后有石井二，水盈其中，苔蘚浸之。想當年山顛一廟，斧薪煮泉，亦足款待遊人也。暮春時，山上杜鵑花盛開，森林淺草間，鮮紅如火叢亂舞，廟前花尤盛，高有及丈者，遊人少不得此勝境。予居峯下，亦僅年來一次耳。峯後另有一峯，略低。下峯有坦路可行。尙向羣山環抱中，得小谷可駐足。昂首上視，上峯鼎峙，樹木叢雜，清幽靜寂，絕無人聲，常思若於主峯上立一亭，於此小谷中立一閣，則未始非小白鹿洞也。予極愛此處，腰足健時，常一人獨來，徘徊半日不去。

南泉公園僅溪邊一條人行路耳。直可謂無。以視北泉，毋乃差之遠甚？虎嘯之下，車站之上，有敞地甚寬，若於其地，種梅三百株，種荷三畦，更多植桃杏楊柳之屬，配以茅亭二三，板橋一道，高山平川之間，四時均增興致不少。除枝徑寬種外，餘均可就地取材，所費固有限也。欲闢南泉爲遊覽區。此事乃不可緩，區區之意，是所視望於建設諸公。

時子變平近爲『南泉導遊』一書。行將問世。其意甚盛，聊獻數語。藉誌紀念，匪敢云

穆濟波：

生今日而言游歷，長空一碧，瞬息千里，下懸雲海蒼茫中，泰華嵩嶽，有如培塿，所謂憑虛御風，古人以爲神境者，久已且暮視之。否則跨重洋，涉巨浸，重槓巨艦，徒侶千百，熙熙雍雍，有如閨闈，當其華鐙綺筵，笙簧掩抑，鼓吹喧闐，歌舞雜沓之於澄泓浩瀚海天無極也，尤非昔人所能夢見，然而一邱一壑，一泉一石，杖履優游，古人所以吟風謳歌不能自己者，今之人亦有同嗜，曾不以生活境界之有大小遠近而易其徘徊瞻顧之心焉。時感倦澁萬里，且樂以是爲息駕之所。十略之間，開開然自適其天者，蓋有之矣！

南泉在叢山中，一溪之長，舟行不過五里，自汗漫遊者視之，固蹄涔之不若，而萬方之士，信宿行都，俱欲一觀以爲快。方其盪輕舟，溯迴波，於一勺之泉，一拳之石，靡不概然發爲遐想。斷岸則擬之夔巫，平沙則遞然江表，攀屋拊壑，窅焉若尋赤松黃石於烟霞之外。其自硝煙彈雨烽火張天來此者，得於鶴林松堡架一椽，率尺土，尤其鷄犬桑麻之趣焉，吾固書其必有所樂也。

夫適性之方，無限於遠近，達情之所，不泥乎小大，苟可以全生樂生者，雖懸蟻螟之一睫，據蠻觸之一端，與泱泱廣野曠然無垠者何殊？莊生不云乎，「大知觀於遠近，故小而不寡，大而不多，知量無窮」。彼圖南之鯤鵬與翺翔蓬蒿之斥鷃則亦有別矣！而其所以自適者，固無異也。况乎觀於海者，雖處杯水坳堂之上，而有江湖之恩焉。南泉之景物，方諸拳石

苔岑，足以慰臨深履危之戒者，亦已多矣！

時子鑾平，近爲南泉導遊以餉讀者，其意甚盛。余久已安居南泉爲適，於南泉之美，謳歌之不遺一物，誠不知游於是者，物笑其陋乎？亦以爲合乎莊生小大之喻也？爲之序，願與同遊者共商確焉。

中華民國三十四年三月於南泉避暑

### 傅餘生：

因着時代的進步，社會的需要，鑾平兄着手編著「南泉導遊」，我覺得，這是再切要沒有的事，我對他實遙寄着無限的同情和希望。

南泉爲巴縣名區，戰時陪都的風景線，不說別的，單是一股兒暖和的泉水；幽靜的花溪，就有着異樣的吸引力，帶着多量的誘惑，使多少人們的脈搏，跟着他在跳動。大自然的風物，奇異的古蹟，從不因人爲的建設抹去色彩，反而在火時代的青春裏，生動，活躍。自抗戰軍興，各項事業，突飛猛進，更增了他不少使人陶醉的氣氛，不能不叫人同聲讚美和謳歌。

南泉是繁榮起來了，誰也知道。

如果說嘉陵江畔的北溫泉，是以人爲的建設專美於前，而揚子江南的南溫泉，則以天然風物媲美於後了。

「名蹟巴陵數二泉，北泉稱聖南泉賢」，南泉實在夠得上說是一個賢者。記得早年更有人把南泉比着一洞鄉下姑娘，襟袖紺布，黃髻垂髻，沒一點動人心處，而



現在呢？我可以說，這鄉下姑娘已趕上時代了，健康的膚色，湧進的德性，在大時代的勵盪裏，朝夕不斷的培育。鍛鍊與長成，不失其爲一個巾幗英雄，一個十足摩登的標緻的新女性。

「南泉導遊」，是介紹這新女性的手冊——宜人手一篇；是研究這新女性；南泉珍奇的文獻，讀了她，可告訴你南泉的一切——南泉通。

慢慢的欣賞，細細的玩味，這綺麗的風光，這瑰異的奇蹟，在這新女性的懷抱裏，還不夠溫馨；還不寫意嗎？

在南泉，我永遠記憶着的是；清麗的花灘溪，深幽的虎嘯口，曠達的建文峯，這風景線上的精靈呵。

我在此祝福她：永遠的健康，有着不老的青春，這確是變平兄的努力，南泉唯一的收穫。

民國三十四年三月於南風月刊社。

## 序

超然

南泉是一個勝地，是一個風景區，是一個重慶近郊最適合於調節都市生活的場所；這是從來的騷人名士所贊頌的。但是，今天的南泉，並不單純是一個自然的（地理的）名詞，它是有着悠遠的歷史因素和繁複的社會關係的一個地方。它的街市上有着專爲遊憩而設的宏敞的酒樓、旅舍，有着汽車鳴鳴，往來優閒，闊綽的遊客，而它的四周也有着辛勤種地的農民；它的礦地也有着還以原始方法來挖運煤塊的工人。它的山麓，它的河堤，有着不少現代建築的洋樓、別墅、同時也羅列着不少頹垣敗壁的茅屋。它有着過去興盛一時的繁榮，也有着

今天市面的蕭條和林蔭路上的寂寞。過去每星期六乘着最新式流線型的汽車，戴着榮貴的婦人或嬌麗的少女，來他們自己的別墅度週末的牌晚，由光水色，來往行人的闊人新貴們，已經隨着勝利絕跡了；然而那些辦公的，教讀的，買賣的，背着包袱，抱着娃娃奔忙於生活的人們依然僕僕於海溫道上。過去與南泉繁榮有關的幾千公費學生和受着比他處較優待過的教授們，是溫泉的街上受歡迎的經常顧客，而學生們在溫泉的游泳池，體育場的球賽，尤其是令人感到溫泉勝地的活躍生動；這些一切，都交織着，反映着這一時代政治環境，經濟生活對南泉關係和影響。這說明了今天的南泉不僅是以它的自然條件而定假而被看成為一個專供人們娛目賞心的遊樂之所，它同時還是與它息息相關而土著的或外來的各階層的人們依存着它來生息的一塊地。

本書作者時變平先生把「南泉導遊」改編為「南泉紀」，這就是他進一步的看法。他覺得「南泉導遊」的不夠介紹南泉一認識南泉了，所以更廣泛也更深入地蒐集南泉的資料來作「南泉紀」。我們遊南泉也好，參觀考察也好，研究地方風土來充實自己的見聞和生活也好，「它」——「南泉紀」——可以給你一個詳盡的介紹和着手的門徑，這是宜乎人手一冊的。

中華民國三十六年春敍於陪都

## 序

哲明

夫山川之足以迷人者，非賴其雄偉，堪開拓胸襟，卽以其幽奇，足引人入勝，否則結構適宜，佈置有當，一邱一壑，一泉一石，均得其勢，使人玩味不盡。若南泉者，地闊不十里，山高不十尋，林深不百畝，山無仙而水無龍，更無高人逸士隱於其中，爲之生色，詎有足

稱。然以遠渝市之塵囂，環山帶水，恍如世外。且花溪打漿，古洞探奇，坐石聽泉，臨流濯足，橋頭望月，則人月雙清，山上看雲，則煙雲俱渺。况溫泉水滑，足洗塵氛，甕酒香濃，堪供醉飲，此情此景，能不使人意遠乎。余小住數月，略得其趣，正欲廣示他人，能與同樂，幸時夔平君有此專著，出而問世，故樂爲之弁數言，深冀其不僅爲士林稱道已也。

民國三十六年春謹述於陪都南泉

## 序

龔伯皋

寅午暮秋，以公食客桂林，長沙章行嚴先生方遊衡山，亦歸憩桂，晤譚山川，頗以桂林爲虛名，其論曰：入山貢深，泛舟宜靜，山川意趣，在陰晴明晦，風雨寒暑，氣象萬千，遂有以啓視聽之靈，爲詩人蒐討，爲民僕息勞，爲販夫老民，息肩茶話，於是乃人間虛境，造化文章，若以纖穠雕琢爲名，斷自然，造故事，爭炫于都人，是又何異于市井哉，斯言可爲遊者旨也。吾庚辰入蜀，養病南泉，居白鶴林，常自虎嘯口以上，踔險而攀，晴雨大雪不輟，天風起，林木動，暴雨至，山洪來，有聲如雷，如鼓，如百獸舞，如兵車行，時亦如鐵馬亂鳴，神仙飄帶橫空而去者，不知是何物也，有雲如獅，如蛟，如好女，如老翁，顏色莫辨，瞬息異其形，亦不知何神境也，雍容回顧，萬峯蒼鬱，黛嶺如駝，峻坂羊腸，各爭形勢，抱膝實思，有穆肅之神，深遠之意，有鄙樸是非得失之念，有愛仁惜物之情，嘻，蜀中山川亦壯矣，造化移人豈不偉哉。然而聞遊者言，溫泉沐浴適也，小艇縱遊逸也，幽洞品茶閑也，又有所謂八景者，都人接踵以赴，不及其餘，吾以爲未足，亦未嘗深味南泉也。時君夔平皖人，而於南泉作紀，凡考據、地理、山川、題詠，旅棧之屬，咸列之，是豈異鄉爲客者肯爲

，北愛南泉亦深矣，裝成因序，遂記論之，衡諸讀者何如。丁亥年莫臘序於重慶。

## 自序

古人常流連山水以滌胸襟，增智趣，余間亦擇暇小遊，以爲旅行助益，非僅此耳，身體之鍛鍊，人格之修養，合羣之美德，莫不藉此是賴，中國地大物博，文化古遠，各省皆有最優之風景區域，與乎可資研究參考之文物，外人視之，不啻黃金一片，而國人漠置之，任其荒蕪摧敗，不稍顧惜，大可哀矣，甚或置身于天然美景中，尙有不能欣賞其意趣者，亦或接鄰勝地，未嘗一次登臨，而以事忙自解，殊不知尋幽覽勝，古人早引爲人生應有之事焉。南泉爲渝郊名勝區，風景優倩，交通暢達，足鈞山水條件，中外人士慕名來遊者接踵而至。惟向無導遊書籍行世，唯引爲憾；變平因發抗戰流離蜀中，于三十一年來居此間，於茲數載，對社會情形，耳濡目接，略具一得，於是蒐集材料編爲「南遊導游」一書，內容分「總說」，「地勢」，「社會概況」，「名勝」，「食宿」，「遊覽日程」等，劃爲六章，聊備遊歷南泉者之一助云爾。材料貧乏，疏漏自所難免，尙希賢達，不吝指正，是幸！

承蒙 穆濟波 張恨水兩先生， 傅餘生兄贈序， 虞城鳳兄製作封面， 實增光寵，謹此誌謝。

中華民國三十四年三月時變平識於陪都南泉之萬國書館

## 再序

雙平所編「南泉導游」，出版未及一載，既已售罄，茲應南泉文化促進會之請，將予再版，惟勝利而後，人物遷移，南泉情勢，亦多改觀，爰就原編，略加修正，聊供大雅采風一助。

再本書「導游」二字，似嫌平淡，並易名爲「南泉紀」。

承蒙 康城風傳餘生兩兄校閱 文逸仙先生協助繕正，特誌謝意。

民國三十六年夏編者再識於陪都南溫泉

巴縣附近之五溫泉：

- 一、觀音寺溫泉。
- 二、神龍山溫泉。
- 三、桶井峽溫泉。
- 四、寶峯山溫泉。
- 五、溫湯峽溫泉。

# 南泉紀

時燮平編著

## 第一章 總說

### 1. 沿革

據巴縣志載「縣境有溫泉五，而以南泉爲冠」。明萬曆年間，（萬曆五年）興建溫泉古寺，（今之南泉管理局辦公處即其舊址）近處農家三五，遊人無多，沐溫泉浴者，附近鄉民而已，民初邑人來居者日多，漸成市集，近鎮居民擇爲交易之所，乃改稱溫泉場。據傳溫泉初僅爲丘隴間天然水塘，（故當時稱爲熱塘）邑人以篾蓬掩遮，就地沐浴，一任其天然形勢，從未修葺。

宣統年間（交民初）邑人周文欽先生，倡修禪會，集資建溫泉池，蓄水成塘，粗具規模，嗣以山洪暴發，致被沖毀，溫泉基地，勢成荒廢，迄民國八年由楊令席芝及周先生倡導培修，得熊錦帆劉甫澄俱懋辛諸先生之贊助，仍復舊觀，並命名爲「南泉浴室」。民十四年更由當地耆紳許湘聲君集資建堤，疏濬花灘溪，自虎嘯口迄同心堤，長約八里，濟流蕩漾，泛鈞宜人，南泉景色，益增神韻，游覽者日多，始爲社會人士所注意。十六年開溫泉附近爲「渝南泉公園」；而與北碚嘉陵公園，遙相對峙，十九年設「公園事務所」，管理公園及浴室專務，（市西三里阮姓院中之小溫泉亦同時開放，並劃爲巴縣農業試驗場第一分場）二十三年又改爲「聯保辦公處」，其中不知經過幾多人之吹噓聲調，並倡議改建浴室，得縣長馮鈞鏞，暨曾子唯楊子雲盧德敷阮雨梅諸先生之助資修建，遂成今日所謂「舊浴室」一部。二十六

年，國府西遷，渝府人口漸增，中外人士慕名來遊者，接踵而至，山隈水濱，大興建築，人口日繁，市面驟形發達，以聯保辦公處指顧難週，乃改設「南泉管理局」，地位較高於鄉鎮，直隸巴縣政府，至三十年縣府因泉人過多，原有浴室不敷分配，由縣府召集當地士紳，募集巨資，重新改建，新室於三十一年落成，規模宏大，設備精美，五泉之冠，詢非虛語；且學校機關，紛紛來駐，不特為公餘遊覽之風景區，亦且具都市之雛形矣。

## 2. 南建設委員會

為使南泉成為巴縣之示範區起見，曾於三十一年二月成立南泉建設設計委員會，加強推行各項建設及地方自治事業，主任委員為沈專員之萬先生兼任，三十二年沈專員調任省府委員，即由張專員清源繼任，自張專員去後迄今尚未推定繼任人選；設計委員有羅時實、曾子唯、（已故）張忠道、譚備三、劉堯夫、阮雨梅、張迺蕃、吳鑄人、仲肇湘、梅麟高、姜超嶽、楊萃一、楊慶山、王永權、程方、常運文、沈冠生、趙巨旭、杜協華、許湘聲、萬萬章、阮衡白、吳聯輝、金暢雄、曹敏如、時燮平、帥行宜等，自該會成立以來，各設計委員對於南泉各項建設，貢獻殊多。三十七年夏又重新改組為南泉建設委員會矣。

## 3. 市概況

南泉市區分溪北溪南兩部，以溪北為中心區，主要街道名海泉路，屋宇櫛比。商舊林立，車站設於海泉路東端，站後為菜市場。過五洞橋為溪南部份，花木夾道，景緻天然，旅館廝集，以冠生園，仰光，為最堂皇，浴室在公園後街之南泉路，中部為南泉體育場，其南為青年服務社，場左有新建之「萬圖書館」，為紀念前三區專員沈之萬先生所建，（該館現為巴縣民教館南泉分館設於其內），南向西折經飛泉路花溪路，可達小溫泉南林中學，巴縣



高農校（即前中央政治學校原址）所在地也。

## 第二章 地勢

南泉位市郊東南，（坐大江之南）距十八公里，（陸行約四十五里）轄區二十四方里，爲巴縣第三區所屬之鄉，且四面皆山，五峯環列，有五馬歸槽之稱，位居塗山山脈支系之尾間，山來自南岸，迨此而止；羣峯交疊，岡陵起伏，南泉出建文峯北麓，經花灘溪而西，注入長江；循山麓小徑折向東南，可達虎嘯口與鹿角鄉界石鄉毗鄰，北接文峯嶽，西北經仙女洞，達小溫泉堤坎，通渝市之公路，並可達土橋鄉也。南上可登建文峯，據傳南泉在古代似爲一火山，花灘溪卽係火山爆發岩崩石裂之遺痕，（噴火之口卽建文峯）嗣加以人工疏濬，紆迴曲折，長約五里，該溪發源於石崗鄉東面碑洞岩石口，經界石鹿角間，終於漁洞土橋分界處；溪水流峽谷間，故河床曲迴，時寬時狹，河身內石灰岩，爲水侵蝕，所餘夏岩等，屹立溪中，巉岩嶙峋，形狀詭異，頗具奇趣。惜以南泉居山谷中，交通不便，工商業不易發達，經濟上亦無價值，惟環境幽靜，祇適養身避暑者息影而已。

此間地質係屬柯里斯特（KARST）多石灰岩，岩多洞穴，爲古代暗河道蹟，因地殼地面運動普遍上升，暗河乾涸所以形成，更因洞底水分蒸發，石灰岩溶解形成石泉鐘乳，及其他奇形狀之岩穴；又據地質評論任績君著重慶南泉附近地質所載：「……南溫泉附近無火成岩蹤跡，但於背斜層軸處，有小斷層數個，似此溫泉之成，與地質構造有密切關係；就溫泉化學成分觀之，不見砒及硼酸等質，則其應爲地表之水下降受熱而復上升，並非真正之岩漿水也……」此係說明南溫泉是由地表水滲入地下，經過長期保留在地深層處，感受地心熱力及溶解各種岩質。然後再沿地層間隙湧出，始構成此溫泉也。

## 第三章 社會概況

### 1. 人口

據三十四年五月間清編戶口，南泉全區共有十一保，內有四隨保現已裁撤，一一五甲，三〇五〇戶，男丁七六三三人，女口四四八五人，總計男女一〇一八八人，而公教人員佔一一七八。

關於市內房屋，除大部土著鄉民外，尚有一部份爲公務員眷屬所租住，房價低廉不及渝市三分之一，近因人口驟增，住屋不易租賃，一切日常用品，又多仰給外鄉，加以運輸不便，整個生活費用，仍不爲低。

### 2. 出產

南泉轄區，長約二十里，其中除荒山及少數墓地外，餘均爲耕地，但山多田少，每年產水稻一千二百餘石，小麥約六百石，高粱及玉蜀黍等產量較次，市鎮供應，尚須仰給外鄉，虎嘯口附近有煤礦二，產量日重八千市斤運銷各地（此種煤附近山境亦多）藥材之出產，如小茴、鮮石斛、解渴子等產量亦豐，花溪產魚，一尾巨鱸，每年打撈兩次，價值金圓五十餘萬元，其他石灰、竹木等，建築材料，亦尚無缺。

又南泉從前以產罌粟著名，而中梁山脈一帶產土，可與南土媲美，滿妮滿谷，老廠（卽文峯鄉）至南泉道中，遍是罌花，鮮麗奪目，且每屆春季，春芽萌發，糟口一帶產量最豐，若有人利用，作製罐頭食品，四季咸宜，想必較市上榨菜，雪裏紅，猶有過之，未始不爲一大生產事業。

### 3. 工商

自國都西遷以來，市面入口增加，商業亦日漸發達，大宗貨物，多自外埠，或鄉間運來，如食用品：米麥豆等，均由數十里外之鄉間販來，其他百貨服裝日用品商店（各十餘家）貨品多運自渝市，一年四季，以春秋兩季，市面較為繁榮，銀行有中央銀行南泉辦事處，中央信託局，（現已撤銷）川鹽銀行南泉辦事處，巴縣銀行南泉分行，南泉郵政儲金匯業局等；相館亦有南風、時代、聯星、晴霞、南美、虹影、中國、星光等八家，小溫泉亦有花溪攝影社一家。其他小規模之工業廠，尙有數家，如煤炭公司，麵粉廠，實驗加工廠，碾米廠，女子工業社，石灰廠，紙店正大公司印刷部等，至其他各業均成立有公會，如渡船，中西成衣業，茶葉業，綢緞業，木作業，屠宰業，泥作業，理髮業，煤礦業，餐，茶，旅，麵等同業公會。

### 4. 交通

南泉位於萬山叢中，小道縱橫，鄰均僅十餘里，以前交通殊不便利，與重慶相距僅十八公里，而游客所感困難頗多，自海溫支線與鐵以後，一切困難問題，均迎刃而解，郵政電話，電報等，亦早設立，茲略述於后：

公路——海溫支路自重慶對江南岸，海棠溪至南泉（路長十八公里）民二十八年中國運輸公司辦有海溫客車，嗣由西南公路局接收，三十三年五月該局移交重慶市公共汽車公司辦理，每日對開十一次，自午前十時半起至十一時半；午後一時至五時止，星期一星期六臨時增加班次，來往極為方便。

鄉路——其他峽壩小徑，僅可利用騎馬或筏竿，由南泉至土橋十三華里，至文峯鄉二十

五華里，至魚洞溪二十五華里，均可騎馬，市區內筏竿亦甚多，往來尚稱便利。

水路——南泉至堤坎（即花泉一段）約五華里，兩岸停有木船數拾隻，搭乘行人往返，每次共乘十人可開船，但亦可包船。

郵政——南泉以前設有郵政信櫃，嗣東川郵政管理局，在南泉與小溫泉各設二等乙級郵局一所，南泉市區民國二十七年間成立，小溫泉民國二十八年間成立，兩局經辦各種郵件包裹，並兼營儲蓄匯兌業務，市民稱善。

電話——南泉設有長途電話局一所，計分普池加急二種，至各地電話及其營業手續，均與渝市同；其次南泉管理局，亦設有鄉村電話室兼辦長途業務。

電報——民國二十五年交通特設南泉電報局，幫助軍用及鄉鎮電話之不足，民三十一年三月，復設長途專綫，可通筑昆等處，如由金總局轉通達全國各地，計分通常，加急，新聞三種。

## 5. 設 備

消防——南泉有防護團，防毒隊等組織，水龍及消防器具亦甚完備。

電燈——南泉電力廠原為曾子唯先生所創辦，嗣因曾先生病逝，即由譚備三經辦，廠址在花灘溪上游沙灘上，利用天然水力發電，供給全市廠商及各機關學校之用，電燈約有一千餘盞，惟電光不甚強大。至花灘溪水電廠，于三十三年度新築完成，該廠發電，利用堤坎五公尺跌水，計發電三十六匹馬力，專供小溫泉附近工廠及學校機關之用。三十六年由南林中接收改為南林學校電廠矣。

浴室——溫泉浴室分三部，有家庭間，特別間，及游泳池，除室內游泳池在後進，於民

國三十七年春另建有新式露天游池。均須先行購票，家庭間與特別間，按號入浴，毛巾肥皂自備，入浴人數以二三月為最多也。

一、家庭間：設有房間十間，每間浴池，可容二三人，適宜夫婦同浴，一小時為限。  
二、特別間：設有房間十二間，三十五年夏又增設十間，砌石為池，約四尺見方，專供個人洗浴，時間半小時。

三、游泳池，池長約十五公尺，闊約十公尺。深七尺，淺處僅三尺，池面鋪以粗石，不分男女，俯仰自在，衣褲備有或自備亦可，每日換水一次。

其次游泳池外附建有浴室三間，專為各地來泉部隊及本市之男女古力者享用，不收洗澡費。

#### 附錄游泳須知如左：

- 一、本池准時開放，上午六時起，至午後七時止。
- 二、游泳來賓，務請依時購票入池，以重秩序。
- 三、患有皮膚病及其他傳染病者，請勿入池，以防傳染。
- 四、凡團體游泳，另依團體辦法洽辦。
- 五、更衣室備有清潔衣櫃，專供藏衣之用，凡游泳者之衣物等件。須直交保管室負責。取據保存，否則如有遺失，概不負責。
- 六、游泉時須着游泉衣，無游泉衣者，應向主管業務人員另租。
- 七、游泉者須先在更衣室浴室內沐浴後再行入池。
- 八、初學游泉務希注意深處及安全線，以防危險。
- 九、未滿十二歲幼童入池游泉，必須由成人牽領，否則本池概不負責。
- 十、游泉池內請勿高聲亂叫，以維持秩序。

十一、本池略備臨時救護藥品，以供游泉者使用。

十二、游泉如願研究技術者，可向本池指導員詢問。

十三、本池租有救護隊，如有危險，希大聲呼叫，當即入池服務。

## 6. 醫藥

醫院：南泉醫院（院址南泉路）前醫師許象文先生專治內外小兒科附設病室。現由陳醫師芳谷接後，並已改為南泉療養院。並附有產科。

漢口醫院（院址即海泉路七十九號）該院原設漢口二十七年遷渝醫師陳友麒先生專治內外科婦各科現該院已遷往漢口矣。

醫師：西醫：傅希賢（海泉路）產科；其次南泉衛生站，亦附有產科。中醫：王再堯（海泉路）內外科；趙希圓（海泉路）內外科；鄭治康（海泉路）內科；何克強（海泉路）內外科。

藥房：同生藥房地址海泉路；開勸藥房地址海泉路；昇華藥房地址海泉路；治安藥房地址涼水溝；國泰藥房地址海泉路；治康藥房地址海泉路。

## 7. 文化

### 學 校

前中央政治學校——七七事變後，津滬等地，相繼淪陷，國都遷渝，該校亦先遷廬山，繼往芷江，二十七年秋，始移設於小溫泉阮氏園宅，六年來陸續增闢校舍不少，花溪中流兩岸，栽植花木，修築築路，經營學劃，不遺餘力，校園風景極佳，校舍劃分兩部，校本部中

有大學部及專科部，設於小溫泉，次爲公務員訓練部，分高等科及普通科及臨時之公務員訓練班，設於仙女洞。此外尙設有研究部於白鶴林，農圃學研究院於重慶，該校員生達二千餘人，軍訓管理，極爲嚴格，任用教官，約六七千人，設於國內大學所罕見，自抗戰勝利後，該校大部份已遷南京，並改名爲國立政治大學矣。

陪都工校學院——該校前爲高級會計職業學校，校址爲南溫泉文欽路一號，三十五年年學期擴充改組爲實用工商專科學校，設專科職業部；專科部移白鶴林，（前立人中學校址）該部分新聞，主計，經濟，法商，工商管理五科，限二年制三年制，職業部分會計簿記兩班，一年畢業，並於三十六年春季擴充爲西南學院分爲六系，嗣因未獲教育部允准立案，又改爲陪都工商學院，現該院學生總計有六百餘人。

巴縣高農學校——校址小溫泉原中政校一部份，校地於三十六年由佛耳岩遷此，學生有三百餘人，設有園藝農藝兩科。

前草堂國學專科學校——該校原設北泉三十五年下學期移小溫泉前中央政校原址，班次分二、三、五年制，另附有大學先修班；三十六年春，又遷移江北噴家溪，復遷於沙坪壩。南泉專科學校——校址設海泉路，該校三十六年夏成立，設有新聞會計兩科，計學生約四百人。該校擬於明春改爲政衡文法學院，設新聞，政治經濟，銀行會計三系。

私立南泉中學——校址設於海泉路，該校三十三年下學期成立，設有初中三班，三十六年夏又增設高中兩班。新校址設於虎嘯口上之瀟村壩。

巴縣女中學——該校原在冷水場，三十五年夏，遷往開仙女洞，該校有初中六班高中四班，學生約五百餘人。

南林中學——三十五年新創設，該校校址就中央政校原址，高初中各六班學生約四百人。

南林學院！三十七年秋增設：該院分政治經濟法律，社會，文史，外文等系，學生約四百餘人。

南泉中心學校——校址設於南泉路馬巴縣縣立性質，該校於二十九年始正式成立，其前身爲縣立仙洞初小及國民小學。

前私立南泉小學——校址民間一路，該校二十八年成立，原係南泉鄉立小學，二十九年易名，現該校因以經費困難業經停辦。

私立成全小學——校址于小溫泉成全洞側該校成立於二十七年，交通頗稱便利，勝利後該校已停辦。

保國民專校——全區共有四校，一設木臘寺，爲第五保主辦，於二十八年成立；二設橋上，爲第六保主辦，於二十八年成立；三設燈草溝，爲第七保主辦，於三十一年成立；四設保合作社，爲第四保主辦，於三十一年成立。

通信學校第二訓練班——現設於堤坎原軍政部防毒處營房。有學員三隊五百餘人。

新中中學——校址小泉三十八年開辦曾有初中一班。

飛泉童訓班——班址小溫泉係於民國三十七年秋創立，學生約百餘人，一年畢業。將改稱專科。

## 圖書館

之萬圖書館：該館係爲紀念三區專員沈之萬先生所築。室宇精美，爲南泉市區唯一之新式建築物，現藏書不少，不久之後藏書即可增加。附設有閱覽室，（包括報章雜誌等）娛樂室（包括棋類書刊等）惟尙未正式開放。現設民衆教育館南泉分館。

青年會圖書館：該館爲青年會福音堂所附設。爲南泉歷史最久之圖書館，內藏書極豐，



爲南泉精神食糧之總庫，惜現已遷移。  
青年服務社圖書室：爲南泉青年服務社所主辦。其中以黨團書籍較多，其他書籍亦復不少。

## 刊物

南泉當地出版之刊物，僅有南泉新聞爲政校新聞科系主辦，自政校遷移後，卽已停刊；泉聲半月刊，爲前草堂國學專科學校教授等所辦，現亦停刊；巴聲月刊，南風月刊，均係南泉地方人士所辦，現正籌備復刊，其外另有南泉通訊社。爲南泉新會專校學生所籌組，每星期向外發稿一次，報導巴縣所屬各鄉及各學校消息。

文藝作家月刊：爲寓泉作家所組織，每期均有當代文豪寫稿，編排極穎，內容豐富，堪稱爲重慶文壇權威刊物，現已停刊矣。

## 書局

南泉書店僅設有三處，計中園文化服務社南泉支社，地址海泉路；上海黎明書局特約分銷處；南泉書店內設中華書局商務印書館南泉特約分銷處；地址復興路，出版與經售書籍雜誌甚爲齊備。

## 文化團體

南泉學術研究會（會址在柏廬）爲當地文化界人士馬大剛，康城鳳、穆濟波、傅餘生等及各學校教師所籌辦，內分總務、學術研究、學術活動三部，后因會員星散，會已停止進行矣。  
南泉文化促進會：該會所辦業務，爲出版報章雜誌演出電影戲劇，辦理茶座餐廳，服務

遊人，據該會負責人云，刻已選定會址，加速籌備，分別完成中。

·南泉業餘劇團：此為南泉各校師生所共同組織，因鑒於南泉無正當娛樂，特於每禮拜六，禮拜。公演活劇，聞該團籌現正呈請立案中。

### 8. 織 關

南泉管理局（南泉路）巴縣田賦糧食管理處南泉征收處（皂橋灣）南泉區民代表會（南泉路）南區警察所（南泉路）南泉財產保管委員會（南泉路）南泉憲兵隊（小溫泉）。南泉衛生實驗所（南泉路）重慶市公共汽車管理處南泉車站（溫泉路）巴縣黨部南泉第六區分部（溫泉路）青年團南泉第一區隊（中心學校內）南泉青年服務社（公共體育場）重慶在鄉軍官會南泉分會（仙女洞）

## 第四章 名勝

南泉為巴縣名勝之一，既為邑中五泉之冠，而明清遺蹟亦隨在皆是，其原有風景十二，於民國二十七年春，經國府林故主席斟酌舊說，重加訂定，茲就新訂各景分述如左：

### 南塘溫泉

泉出建禹山，泉源洞徑尺許，晝夜水流不斷。泉水溫度，經常華氏四十四度，含硫磺質甚多，性微滑，氣味濃烈，可療皮膚病，（如各種皮膚病及各種久遠外傷銹傷切傷弱傷等）晶瑩澄潔，較之湯山驪山之溫泉，過無不及，溫湯浴罷，爽身益神，筋舒步捷，除垢療疾，猶餘事也，至若游泳池中，登高一跳，銀珠飛濺，姿勢百出，或蛙式而沒頭水底，或仰泳而

小憩波巒，游泉出沒，其樂可知，遊之來而泉者，無不以浴沐爲快也。

關於該泉有人因爲硫磺氣味重，認爲硫磺泉，查自溫泉水中硫酸鈣（石膏）之含量較硫化氫多，不能稱爲單純性硫磺泉，依照「萬國協會」規定溫泉之分類法，自溫泉可決定屬「含硫化氫之石膏泉」(Hydrog. Sulf. Schwefelwasserquelle)。諒無疑議。至該泉經試驗，除可以治療皮膚病外，飲泉者，亦可療慢腎臟炎，膀胱炎，貧血，肝腫，軟骨及慢性金屬中毒等症；倘能利用該泉改健爲陸軍外傷醫院，以救治受傷之將士，不特經濟簡便，而且確可獲得異外之效率，惜乎僅作遊樂之用耳。

此外尙有小溫泉在溫泉場尾覺園（卽息廬）內，水量狹小，屬私人所有，並不公開。

### 虎嘯懸流

出溫泉沿五洞橋，沿山徑而上，經沂風別墅，溯花灘溪上流約二里許抵虎嘯口，峯迴岩轉，壁懸徑折，山勢高峻，下臨虛谷，水流至此，噴瀉而下，石堤數重，層層傾注，每瀉堤間，卽成瀑布，匹練垂懸，銀珠四濺，如值春洪暴發，急流澎湃，聲出壑底，響若奔雷，吼聲震耳，疑聞虎嘯，（距泉流近處，有石虎呈臥狀勢如咆哮然，故以命名）爲遊人至此，觀瀑聽流，萬慮皆消，故林主席孔副院長，皆建別墅其旁，人間心曠神怡也。激流之上建有景林橋，喜林亭饜望月台，詩情畫意，無不盡緻，喜林亭上題有對聯兩付，詞云：「跨瀾啓津梁，已騰大道平沿願，憑欄望台斗，何限高山仰此情。」又聯云：「靈閣峙崔巍，異采都成龍虎氣；懸流看浩渺，高懷長共鷺鷥盟。」自泉電力廠乾溪右，開渠引水，約有五百馬力

，用以發電，萬戶通四，實利賴之，曲水流懸，不惟可娛游人，且爲生活所利賴，自然之力，豈不偉哉。

### 弓橋泛月

溫泉之北，不數武跨花灘溪而通北市省，五洞橋也。（原稱三星橋）始建於清同治三十四年四月，橋長有十餘丈，一曲清流，清淺澄碧，月明之夜，泛舟其下，橋形如弓，銀波灩麗，秦淮西子，無此意境。

### 灩澦歸舟

花溪中流，兩岸絕壁峭空，形勢險峻，景似三峽，中流有名堆二，春水暴漲，舟行如飛，四涵堆者，爲罌塘峽中名堆，花灘溪有小三峽之稱，故也有灩澦之名。

### 峭壁飛泉

泉自仙女洞陰竅流出，每逢盛雨水量倍增，湍流至數丈懸岩，飛入澗壑如萬馬奔騰，水銀瀉地，遠望白練垂空，銀沫四濺，竚立觀玩，志迷神往，舟行其下，寒氣襲面，冷霧迷空，沁入脾胃，滌塵消慮，如晝景色俱陳，勝境奇觀，有過此乎。

## 五湖占

仙水洞下，飛泉之側，有小潭（即指五湖）泉出地下，湧激如躍，四時不休，水色時有清濁，濤占晴，濁占晴，居民以之測候，累試不爽，此即「向泉秋水」，又名「泉雨泉」，俗稱「巖頭」，據土著傳說，此地為「犀牛望月」謂潭中有犀牛，嗣為西人所盜，淹沒久矣！

## 三峽奔雷

五湖占雨再下致武，兩岸攏巖骨立，峭壁如削，水流至此，激盪翻騰，奔流澎湃，故有小三峽之稱，岩間藤掛蘿懸，雜樹垂條，每歷侵晨，青雲蔚起，陽春煙景，百看不厭，河中有孤立石島，人稱鬻酒堆，與飛泉流水，相激成聲，響徹空谷，狂若奔雷，舟駛漸遠，餘音鼓震，亦奇景也。

## 仙女幽巖

距溫泉半里之山坡有仙女洞，（曾經前政校改為宣義洞）。清時加以建修，洞內外尚有佛像數尊，兩旁有兩中央政校高等科主任張忠浩題贈一聯云：「發慈悲心，挽救人類浩劫；去貪橫念，維護世界和平」。舊傳曾有女於此修煉，道成羽化，（洞側左另有一小洞仙女石

身在焉），三十五年秋，經任持性敏，改名爲「林森寺」，並加以修葺，添建殿堂數間於洞前，蔚爲壯觀。該洞高深均數十丈，縱橫四五丈不等，洞內朗朗軒爽，入口處頗闊，洞底石垣，平整見潔，洞中石乳，秀成天結，備極瑰異，冬溫夏涼，爲避暑佳地，洞下有陰壑，伏流數十里，常有清泉自洞之低下穴處湧出，味甘美，據云可通長江右岸之魚洞溪云。

### 花溪垂釣

花灘溪原爲澗底細流，環泉縈繞，直入大江，溪流湫處，亦歸丈許，自當地士紳許湘聲等，於下流作堤後，乃成小溪，廣十幾丈，可以行舟，雲天峯樹，倒影相對，兩岸峭壁絕巖，葛蘿高懸，蒼松翠柏，發古階甍，而叢竹成蔭，弱柳垂絲，鄰舍時露，尤可行人入勝，或題壁曰「花灘溪陽春二月，打槳來游，紅桃碧柳，倒影波中，芳菲襲人，不傾自醉，風景之勝，宛若深潭」確寫實也，岸邊垂釣，志不在魚，由光水色，可滌胸襟，至若舉竿得魚，歸而付甕，佐食殺酒，樂乃無藝。現溪內有游艇十餘隻。供尋遊泛，蕩乎中流，益增雅趣。

### 小塘水清

小溫泉在花灘溪之中段左岸，該處莊房，係當地阮姓所建，名曰「竹林別墅」又名阮莊（卽前之中央政治學校地址）壘山近水，幽靜絕倫，周圍環境，較大溫泉良好，該處距南泉約三里，係溫塘支流，民十九年始公開遊覽，泉源頗豐，水含石灰質，溫度亦較低，故別

稱爲小溫泉，有露天游泳池，長約三十尺，寬十五尺，每星期換水一次，因係露天，最適夏季，又浴室，有特別間三間，家庭間四間，每間一池，均係石面鑄成，池小僅容一二人，惟空氣比大溫泉流通，自中央政校遷京後，現仍歸阮姓所有，其售票方式與南溫泉浴室同。

### 石洞探奇

經小溫泉進里許，有天然石洞，俗稱神仙洞，又云三天門洞，現實名爲「成全洞」在雅濤王向氏墓對側土坡中，天然穿鑿，未加培修，洞深約二里半，縱橫各二、三丈不等，洞壁化石，天成石鐘乳，凝脂垂珠，異狀紛呈，壁有平石一方，彈之如磬，清潤可聽，稱爲石鼓，洞中蝙蝠啾啾，翻飛上下，別有幽趣，底極平衍，惟甚潮濕，且頗黑暗，如欲探隱搜奇，不燃火炬，無奏厥功，洞中每隔一段，驟形窄小，岩石環結，自成一天然門戶，僅容一人通過，如此者三，三天門洞因此得名，近年以左近有新邨，居民亦衆，頗不靜寂也。

### 建文遺蹟

市街後有建文峯，（卽沂風別墅後山右面）古名「建禹山」山勢時高，秀拔挺出，松柏萬株，亭亭壘翠，衆山羅拱，相形之下，儼如鶴立雞羣，其峯絕有建文廟，廟裏有讓皇殿，相傳明初，建文帝遜國後，作行脚僧入蜀，愛其地駐錫於此，終老不去；土人祠之，數百年不替，廟數椽，因匪摧毀，僅留遺址，供人瞻吊而已，廟後有井，曰「玉泉」水源清徹，味醇而甘，爲南泉有名之山泉。

南泉除上述十二景外，勝跡尚多，茲據其要者，縷列於后：

白鶴林——在鬼橋灣後面，爲清代時之建築物，古樹鬱鬱，愜然可觀，從前「存古學堂」，卽設於此，其中勝蹟頗多，風景至爲幽美。

打鼓坪——相傳爲昔年狩獵時代，捕虎叻打鼓之地，鼓聲四起，遙與虎嘯之聲相應和，至今坪上四處猶有穴道可尋。

同心堤——初爲拱橋二洞，迭遭水毀，民十四年許湘聲乃募建爲堤。堤在花灘溪終點，疊石斷水，闊有數丈，山洪暴發，則成瀑布，與虎嘯口相媲美，惟虎嘯口景緻天然，層次錯落，此則出自人爲，自顯整肅，初到南泉時，遠望白壁垂流，聲如奔馬者是也；現堤上建有長橋一道，題名「利涉橋」爲至南林中學（卽前中政校）小溫泉之捷徑也。

獸涎泉——自同心堤起沿花灘上溯，先見溪右巖間多石乳，時有水點落於水面，形似珍珠，故原名爲鐘乳滴珠，曾經陳果夫先生改稱「獸涎泉」，並親爲題字，刊鐫巖上。「穆濟波先生題云：獸涎泉，突兀踞奇石。蒙茸披巖勢耽耽，口角流涎飛百尺。愁茲懸榻敢高臥，安得鐵椎肆橫擊。古今謀國慮有是，枕上鳴鷄好相識」。

潮音洞——在花灘溪對岸，前此遊者，恆以仙洞呼之，洞口石乳爲簷，入洞仰視，中頂穹闕，體勢爽塏，旁邊一穴，天光射入，躋之則若一客室然，其外竹林掩映，亦洞曲折，行可數十百步，石體凸凹嶙峋，雄勁多姿，因洞常有不斷之清泉流出，與聲相應和，蘇子瞻云：「溪聲便是廣長舌」此亦可云潮音，當爲潮音。故名「潮音洞」也。

龍洞泉——自堤上溯左側，有支流灌注，可通小舟，循源追始。源頭有泉甘美，適口，與建文峯上玉泉，飛泉之下五湖，遙相媲美，捨舟登陸不數步，卽爲龍泉洞，（一名老

龍洞泉——自堤上溯左側，有支流灌注，可通小舟，循源追始。源頭有泉甘美，適口，與建文峯上玉泉，飛泉之下五湖，遙相媲美，捨舟登陸不數步，卽爲龍泉洞，（一名老



龍洞）附近景色秀麗宜人，足供游覽。

### 妙

高崖——位於小溫泉左側，花灘溪南岸，相傳民國初年時，川黔軍在該處交戰，黔軍因地勢不熟，有數百人被逼落崖慘死，當時黔籍一軍官，睹此情狀，甚爲悲痛，卽此立志修道，白日坐化，鄉人爲之修廟立像，尊稱曰高崖老祖廟，門前有對聯云：「昔爲貴州元帥，今作西蜀神仙」，廟在翠柏叢中，地極幽勝。

### 節

婦津——距湖音不遠，有懸崖高十餘丈，上刻王向氏殉節處六字，氏涪陵人，道光二十二年，適巴縣王某，婚不一年夫逝，守節七載，嗣有鄰人慫恿改字，其姑迫之，氏不屈，乃於寒食日投溪以殉，年僅二十五歲，歿時賦有絕命詩十章，該處對岸桃林夾道，芳草鮮美，阡陌縱橫，田壟相望，紅桃如錦，清香四溢，馥郁迎風，下流水面，扶槳直上，醇香撲鼻，薰人如醉，怡然之情，樂何可言，捨舟登岸，欲步其中，或謂世外桃源無過此耳。

### 向

氏墓——墓在神仙洞左首坡上距殉節處約二里許，墓以石築，額書「作城」二字，對文爲「義夫心同勝金石，烈婦殉節比冰霜」，碑上排書，「長兄王如義之墓，烈婦長嫂王向氏之墓」，咸豐壬子歲弟如岡書，墓前無生忌處，故往吊者鮮。

### 詩

碑亭——亭在仙女洞廟前左側，其亭係爲渝市前商會會長李肇捐資修建，亭高三丈，寬四丈，詩碑三座，刊其遺作，亭中除絕命詩十首及附自序一篇外，並有周文欽先生詩碑記及跋語，記其事甚詳，因文長未錄。

附：王向氏絕命詩十章并自序

妾涪州向氏女也，嫁夫巴邑王氏長郎，未及一年，倏焉卽此，迄今七載，矢志靡他，昨

年不幸，翁又病亡，叔小姑留，焚燬無餘，朝朝相對，只令人悲增切但耳；近有無知之輩，以不入耳之言，來相勸勉，猶念衣食事小，名節事大，欲全名節，惟有身付長流，葬魚腹中，但孀姑在堂，暮季尚幼，身死不明，未免遺累，躊躇終夜，心痛鵲啼，既成絕命詩十首，藏諸篋中，他日燒燬檢閱，庶妾之死既明，妾之姑亦可以無累矣。其詩云：

「一從燕爾效于飛，心繫王郎不忍歸，」

「裙布荆釵寒士女，敢忘傲戒與無違。」

「幼讀詩書雅不多，也知東作與南訛，」

「蒸梨炊黍三更績，敢怨微軀受折磨。」

「屈指于歸未一年，兒夫條爾喪黃泉，」

「耕田供職緣何罪，妾欲焚香一問天。」

「躑躅長嗚呼不應，樑摧棟折地天崩，」

「提刀割股尋常事，這樣恩情得未曾。」

「無端婦口勸諄諄，憐我如梭廿五春，」

「回首當年花燭夜，何心喜覓畫眉人。」

「薄辭我表省我親，阿娘亦結再聯姻，」

「伯舟原在河中地，母也天乎不諒人。」

「阿翁服制未週年，又別孀姑各一天，」

「此是兒家心恨事，披麻一綵對黃泉。」

「夫淚未乾翁繼之，一家孤弱倚誰持，」

「開來怕讀安仁賦，恐惹孀姑老淚垂。」

「吾家四弟宜艱辛，能歷艱辛自不平，

創業守成誰簡事，須知嫂是未亡人。」

「寄語高堂不必憂，兒魂常在此山頭，

明朝一夕成千古，江上峯青姓字留。」

## 頤壽亭

亭位於南泉新邨路口，（卽迪惠橋上面）係一險崖，亭便翼然時立崖邊，左

側爲建禹山麓，右側爲仙女洞之後山，翠柏蒼松，極有清趣，前瀉花溪，上下嵒巖，往來不絕，款乃之聲，時聞於耳，如靜立亭前，可以看天外飛泉與夫弓橋泛月，南泉之建築物，得天然地勢之勝者，惟有此飛角連雲之頤壽亭耳，亭中有石叢桌一張，石凳若干，以資遊人憩息，該亭係都人劉湘、王纘緒、劉文輝等數人，爲紀念趙資生先生（時二十年夏五月）七秩大壽而建，于二十三年落成，先生平原舊族，巴邑名宗，曾作四川省參議會議員，及重慶市商會長，爲人清高亮節，扶植慈善，敦厚民風，大凡義舉，無不鐵肩自任，仁愛可風，亭壁有趙公玉照，有川中軍政大員暨渝中紳商之題詠與壽序甚多，茲錄七七叟溫仁壽先生題贈七律一首題爲「趙君七句邑人建頤壽亭於溫泉場題此贈之」詩云。

「古稱大德必兼壽，造福鄉邦獨羨君，養性有亭堪紀念，存心濟世克銘紛，雪鴻留跡溫泉辛，琴鶴傳家字水芬，愧我其年艱步履，一篇遙贈頤顏粉。」

## 文欽墓

周先生爲清貢生，世居鹿坪鄉，別號蓮居士，晚年雅好山水，常著文章在滌

市各報大肆吹噓，精神物質，豎建甚多，文字方面計有「溫泉發現新洞記」、「溫泉輟工記」，「滌南泉修禊會序」、「我之介紹南泉」、「溫泉田園市計劃草案」等，曾記有人撰一聯以悼先生云：「一代文章傳後世，半生辛若在溫泉」。其青年慘淡經營之苦心，

概可想見矣。卒遂邑人頹懷往事，建墓塔於溫泉對面野豬窩坡上。（距公園半里，）塔高三丈，圍以石欄，宛如花壇，遊人每往憑吊，惜無碑文紀念，殊爲遺憾。

### 遠蓉墓

——李女士江津人，重慶第二女師高材生，民國十四年三月三十一日，係革命初  
入川時期，該生爲學生運動代表，（當時各校均有代表）慘遭殉難，（時王芳舟爲城防司令）墓在南泉中央銀行左側之柏廬內，（通惠路中左側）墓前有碑，圍以石欄，櫛園石塔列左右，入石門中豎一碑，上書篆文「李遠蓉女士死難紀念碑」，十字碑下成三角形，鐫墓誌銘，其文悲壯纏綿，悲惻動人，足徵愛國者之挽劫，絕非爲一弱女子哭也。  
撫石憑吊，時生暇思。

## 第五章 食 宿

凡遊客抵南泉後，首需解決者，食宿問題耳，但初到之遊客，心中不免存有一種懷疑，因南泉旅館衆多，而各家特點不同，茲分述如次：

### 1 食

冠生園飲食部（復興路）中西餐俱備，廣東味，甚清潔，兼售糖果麵包西點。

梅龍村（海泉路），四川味，小食筵席。

新生樂園（復興路）北方味，味尙佳，並售麵。

農味鄉（海泉路）四川味，荳花便飯，和菜包席。隨堂炒熘，經濟可口，爲南泉川菜館之冠。

南泉別墅餐廳（海泉路）四川味，價低廉，小食筵席，兼售餅麵。

復園食店（南泉路）四川味，酒菜麵飯，各色俱全。

三合春（海泉路）四川味，兼售麵點。

蘿蘿甜食店（海泉路）專售湯元白糕八寶元肉銀耳燕窩及冰糖蓮子等。

花溪酒家（海泉路）有各種麵食，及酒菜。

成全食堂（成全洞菜市场）湖南味有點心麵包炒菜，適於經濟小食。

新村食堂（小溫泉）四川味，經濟和菜，各種麵點及包子小食筵席。

## 2 茶

南泉素以風景著稱，市面較昔繁榮，茶舖生意亦頗興隆，茲略舉數家如次：

西南旅行社，地址車站內。蒙山茶社，剛毅茶社，復源茶社，民衆茶社，德信茶園，聽泉茶樓，地址均爲海泉路，南泉別墅茶園，地址五洞橋側。

## 3 宿

冠生園招待所（復興路）中式建築，內部陳設華麗，附有中西餐室，各界人士，多樂居於此。

仰光大旅社（復興路）西式建築設備富麗，爲南泉最貴族化之旅社，房間甚清潔，各界士女，亦多住此。

南泉別墅（五洞橋頭）中式建築，房間係四川設備，惟臨花溪，風景宜人。

清華旅館（南泉路）半西式建築，長伴有折扣，係半公寓性，且面對溫泉，入浴較便。

山泉郵旅館（南路）中式樓房，設備簡樸，尙清幽。

山野旅社（南泉路）中式建築，設備簡單。  
鷗泉大旅社（海泉路）中式樓房，設備甚佳。

滌塵寄宿舍（海泉路）設備較簡單。

崇來飯店（海泉路）設備較簡單。

花溪旅社（小溫泉）中式樓房，設備簡樸。

小泉行館（小泉）同上。

## 第六章 遊覽日程


午前九時由南泉車站出發，沿山麓木橋路，步行或騎馬，約三華里，即達虎嘯口，（虎嘯懸流）過景林橋，可在景林亭上稍息，順山坡沂風別墅，南泉路及迪惠橋向左登石級，進仙女洞（仙女幽巖）循級上登高巖老禪廟，（懸巖翠柏）過叢林約二里許，至神仙洞（石洞探奇）後由石路折回，至小溫泉食堂午餐，遊南林校園（小塘水滑）出大門沿山麓小徑，乃至利涉橋至堤坎。（同心堤）雇乘木船，由花溪一湖，溪左首見一獸涎泉（鯨乳滴珠）再進爲「龍洞泉」一王向氏殉節處」及「潮音洞」過小溫泉再行里許右側，「南泉秋水」（五湖占雨）左側即小三峽（三峽雷奔）稍向前進，白練垂空，銀珠濺四，即飛泉（峭壁飛泉）是也；再前爲滄瀨堆（瀨瀨歸舟），咫尺至船埠（及塘水流烟處）登岸即公園，兩旁花木夾道，境地幽靜，不數步至浴室。（南塘溫泳）時間尚不爲遲。如在月明之夜，泛舟五洞橋（弓橋泛舟）即可休息，翌晨登建文峯（建文遺跡）由沂風別墅而上，可以俯瞰兩岸景色，並作爬山打獵運動，因高山叢林，鳥獸特多，下午「花溪垂釣」惟須自備釣具，南泉尙無售也。

南 泉 風 貌

---

(照像或題字)

游 覽 日 記





南泉紀 (一冊)

編著：時 燮 平

出版：南泉中學出版委員會  
南 泉 書 店

發行：傅 餘 生

校閱：康 城 鳳

總經售處 南 泉 書 店

版 權 所 有

中華民國三十八年三月一日三版

# 6

640491